



Broj: 02-04-29/21-AP-35  
Datum: 02.12.2021. godine

Na osnovu člana 13. Poslovnika o radu Privrednog savjeta Općine Zavidovići broj: 02-05-1818-AP-12 od 30.06.2017. godine, na 14. ponovljenoj sjednici Privrednog savjeta Općine Zavidovići, koja je održana 02.12.2021. godine u Maloj sali zgrade Općine Zavidovići sa početkom u 11:05 sati, sastavljam

### ZAPISNIK

Na sjednici Privrednog savjeta prisutni su: Općinski načelnik Dr. sci. Hašim Mujanović, Džeraldina Miličević, Sabahudin Horozović, Ajdin Polić, Asim Faljić, Mustafa Hasaković, Enesa Bukvić, Birnas Parić, Alen Muharemović, Erna Merdić Smailhodžić, Mirela Bašić i Admir Bajraktarević.

Na sjednici Privrednog savjeta nisu prisutni: Remzo Sinanović, Haris Mujanović, Emir Okanović, Ermin Begović, Amir Omerašević i Slađan Ilić.

Prisutni stručni saradnici Privrednog savjeta Općine Zavidovići: Admir Mustafić, Ibro Hadžić i Midhat Bajramović.

Odsutnih stručni saradnici Privrednog savjeta Općine Zavidovići: Amira Tadić i Izet Bašić.

Zapisnik vodila Fatima Merdanović.

Konstatuje se da je na sjednici prisutno 12 članova Privrednog savjeta od ukupno 18 članova, od čega 2 člana iz ne javnog sektora.

Konstatuje se da je prisutan potreban broj članova Privrednog savjeta da bi se moglo punovažno raspravljati i odlučivati, kako je propisano članom 7. Poslovnika o radu Privrednog savjeta Općine Zavidovići, odnosno potrebno je prisustvo natpolovične većine članova.

Općinski načelnik Dr. sci. Hašim Mujanović predlaže sljedeći dnevni red:

- 1) Status zaključaka donesenih na sjednicama Privrednog savjeta općine Zavidovići,
- 2) Nacrt Odluke o izmjenama Odluke o kriterijima za rangiranje, načelima izrade i načinu podnošenja investicionih projekata za izradu Plana kapitalnih investicija općine Zavidovići (Izvjestilac: Džeraldina Miličević),
- 3) Analiza dodjele poticaja privrede na području općine Zavidovići za 2021. godinu (Izvjestilac: Džeraldina Miličević),
- 4) Nacrt Budžeta općine Zavidovići za 2022. godinu (Izvjestilac: Džeraldina Miličević i Amira Tadić),
- 5) Informacija o dodjeli sredstava za zapošljavanje i samozapošljavanje boračke populacije (Izvjestilac: Midhat Bajramović),
- 6) Informacija o dodjeli poticaja Općine Zavidovići za poljoprivrednu proizvodnju za 2021. godinu (Izvjestilac: Izet Bašić),
- 7) Razno.

Dnevni red se stavlja na diskusiju i pozivaju se članovi Privrednog savjeta da predlože izmjenu ili dopunu predloženog dnevnog reda.

Dnevni red se usvaja jednoglasno bez izmjena i dopuna i prelazi se na rad po istom.

Općinski načelnik Dr. sci. Hašim Mujanović navodi 1. tačku dnevnog reda.

1. tačka dnevnog reda Status zaključaka donesenih na sjednicama Privrednog savjeta općine Zavidovići

Izjavitelj Džeraldina Miličević iznosi pojašnjenja i dodatne informacije po ovoj tački dnevnog reda.

Općinski načelnik Dr. sci. Hašim Mujanović otvara diskusiju po ovoj tački dnevnog reda.

Po ovoj tački dnevnog reda nije bilo diskusije.

Zaključak: Prihvata se Status zaključaka donesenih na sjednicama Privrednog savjeta općine Zavidovići.

Zaključak je usvojen jednoglasno.

2. tačka dnevnog reda Nacrt Odluke o izmjenama Odluke o kriterijima za rangiranje, načelima izrade i načinu podnošenja investicionih projekata za izradu Plana kapitalnih investicija općine Zavidovići

Izjavitelj Džeraldina Miličević iznosi pojašnjenja i dodatne informacije po ovoj tački dnevnog reda. Navodi da je sjednica Privrednog savjeta bila zakazana kada je Odluka bila u formi Nacrta. Odluka je već od Općinskog vijeća usvojena. Odluka će pretrpjeti još neke izmjene.

Općinski načelnik Dr. sci. Hašim Mujanović otvara diskusiju po ovoj tački dnevnog reda.

Po ovoj tački dnevnog reda nije bilo diskusije.

Zaključak: Prihvata se Nacrt Odluke o izmjenama Odluke o kriterijima za rangiranje, načelima izrade i načinu podnošenja investicionih projekata za izradu Plana kapitalnih investicija općine Zavidovići.

Zaključak je usvojen jednoglasno.

3. tačka dnevnog reda Analiza dodjele poticaja privrede na području općine Zavidovići za 2021. godinu

Izjavitelj Džeraldina Miličević iznosi pojašnjenja i dodatne informacije po ovoj tački dnevnog reda. Smatra da je bilo nepovjerenja prema vlasti, te da namjere nisu bile najiskrenije. Ove godine su iskorištena sva sredstva. Jedan od mehanizama je što je veliki broj poduzetnica prijavljen na ovaj javni poziv. Govori i o procentu dodijeljenih poticaja.

Nakon izlaganja izvjestioca Općinski načelnik Dr. sci. Hašim Mujanović otvara diskusiju po ovoj tački dnevnog reda.

U diskusiju su se uključili: Općinski načelnik Dr. sci. Hašim Mujanović, Džeraldina Miličević, Mustafa Hasaković i Erna Merdić Smailhodžić.

- Mustafa Hasaković: Postavlja pitanje realizacije poticaja, navodi da nije dobio materijal.

- Erna Merdić Smailhodžić: Postavlja pitanje CO-working centra?

- Džeraldina Miličević: Navodi da korisnici mogu biti svi koji su zainteresovani za takve prostore.

- Općinski načelnik Dr. sci. Hašim Mujanović: Iskazuje zadovoljstvo prijavom privrednika na javni poziv.

- Erna Merdić Smailhodžić: Pohvaljuje ideju, te navodi da je inpackt dobar primjer.

- Džeraldina Miličević: Govori o sastanku općina koje su učestvovala i koje će učestvovati narednih godina. Ističe da se ušlo u još jedan sličan projekt, ali je taj projekt vezan za dijasporu.

Zaključak: Prihvata se Analiza dodjele poticaja privrede na području općine Zavidovići za 2021. godinu.

Zaključak je usvojen jednoglasno.

Nakon 3. tačke dnevnog reda zamijenjene su tačke 6. i 5. po redosljedju razmatranja. Tako da su se po redosljedju razmatrale kao tačka 4. i tačka 5 a tačka 4. se razmatrala kao tačka 6.

#### 4. tačka dnevnog reda Informacija o dodjeli poticaja Općine Zavidovići za poljoprivrednu proizvodnju za 2021. godinu

Izjavitelj Ibro Hadžić iznosi pojašnjenja i dodatne informacije po ovoj tački dnevnog reda. Navodi da je podijeljeno oko 500 hiljada KM. Poljoprivrednici dobivaju poticaje i sa federalnog i sa kantonalnog nivoa. Općina Zavidovići dodjeljuje poticaje za one koji ne mogu doći na red na višim nivoima. Obrazlaže sadržaj javnog poziva.

Nakon izlaganja izvjestioca Općinski načelnik Dr. sci. Hašim Mujanović otvara diskusiju po ovoj tački dnevnog reda.

U diskusiju su se uključili: Admir Bajraktarević, Općinski načelnik Dr. sci. Hašim Mujanović, Ajdin Polić, Ibro Hadžić, Mirela Bašić, Enesa Bukvić, Erna Merdić Smailhodžić i Sabahudin Horozović.

- Admir Bajraktarević: Predlaže da se napravi nešto poput prodavnice i da Općina plaća kiriju i platu radnika kako bi bolju dobit imali sami proizvođači.

- Općinski načelnik Dr. sci. Hašim Mujanović: Pohvalju prijedlog, smatra da treba pravno posložiti. Navodi primjer otkupa malina, postavlja pitanje da li se može ovdje prerađivati, da bi poljoprivrednici imali osiguran otkup. Navodi da imamo našeg čovjeka koji otkupljuje maline i koji je napravio hladnjaču.

- Ajdin Polić: Što se tiče poljoprivrede predlaže da se neke stvari dodatno promovišu. Navodi primjer zadruga.

- Ibro Hadžić: Obrazlaže da postoji Registar i da poljoprivrednici ono što imaju trebaju prijaviti u određenom roku. Govori o ustaljenoj praksi i farmer portalu preko kojeg se može pogledati trenutno stanje – ono što je poljoprivrednik prijavio.

- Mirela Bašić: Predlaže da se iz sredstava za poljoprivredu izdvoje sredstva i za edukaciju poljoprivrednika.

- Erna Merdić Smailhodžić: Navodi da se treba osnovati udruženje poljoprivrednika da bi se pomoglo drugim ljudima, te da to treba biti cilj 1.

- Admir Bajraktarević: Navodi primjer BH Telecoma, da nemaju gdje oprati auta, a razlog je što ljudi odustaju od ponuda zato što ima trebaju tri papira. Ljudi ne vole tražiti papire, nisu upućeni.
- Erna Merdić Smailhodžić: Smatra da bi posao sekretara udruženja mogao biti da obezbijedi potrebnu dokumentaciju.
- Sabahudin Horozović: Navodi da nije isto ko je upisan u registar gazdinstva i ko ima registrovan obrt. Navodi da je na Općinu Zavidovići trebalo zaposliti 20 poljoprivrednih proizvođača, pola miliona KM, ali se nije uspjelo naći 20 poljoprivrednika da registruju obrt. Dobro bi bilo da se u saradnji sa Birom, Općinom da se napravi komisija, te da moraju registrovat neki obrt. RAZ mora pratiti te obrte. Smatra da je edukacija potrebna za ljude koji su registrovali obrt.

Zaključak: Prihvata se Informacija o dodjeli poticaja Općine Zavidovići za poljoprivrednu proizvodnju za 2021. godinu.

Zaključak je usvojen jednoglasno.

5. tačka dnevnog reda Informacija o dodjeli sredstava za zapošljavanje i samozapošljavanje boračke populacije

Izjavitelj Midhat Bajramović iznosi pojašnjenja i dodatne informacije po ovoj tački dnevnog reda. Navodi da se radi o boračkoj populaciji. Kroz projekte samozapošljavanja imali samo dvije prijave, a projekti su na godinu dana.

Nakon izlaganja izvjestioca Općinski načelnik Dr. sci. Hašim Mujanović otvara diskusiju po ovoj tački dnevnog reda.

Po ovoj tački dnevnog reda nije bilo diskusije.

Zaključak: Prihvata se Informacija o dodjeli sredstava za zapošljavanje i samozapošljavanje boračke populacije.

Zaključak je usvojen jednoglasno.

6. tačka dnevnog reda Nacrt Budžeta općine Zavidovići za 2022. godinu

Izjavitelj Almir Mustafić iznosi pojašnjenja i dodatne informacije po ovoj tački dnevnog reda. Usvojen je Nacrt Budžeta na Općinskom vijeću. Poziva da se iznesu prijedlozi ako ih ima ali sa obrazloženjem. Navodi da su izvori prihoda podijeljeni po fondovima, ostalo su namjenska sredstva.

Nakon izlaganja izvjestioca Općinski načelnik Dr. sci. Hašim Mujanović otvara diskusiju po ovoj tački dnevnog reda.

U diskusiju su se uključili: Općinski načelnik Dr. sci. Hašim Mujanović, Ajdin Polić, Admir Bajraktarević, Mirela Bašić, Enesa Bukvić, Erna Merdić Smailhodžić, Sabahudin Horozović, Mustafa Hasaković i Almir Mustafić.

- Općinski načelnik Dr. sci. Hašim Mujanović: Navodi da nema značajnijih izmjena u odnosu na usvojeni Budžet 2021. godine. Navodi da generalno postoji stabilnost, bila je umjerena potrošnja. Nije se u stanju deficita, što je domaćinski odnos službi koje rade. Postoji kontinuitet poštivanja pravila i procedura. Navodi da su neke stavri limitirane, npr. turizam.

- Ajdin Polić: Navodi kada je u pitanju RAZ da su uputili nove prijedloge. RAZ-u će trebati podrška i kadrovska i finansijska.
- Admir Bajraktarević: Predlaže da se napravi turistički savjet, nešto poput privrednog savjeta. Govori o prostorijama Atoma i GSS u JU „Dom kulture“, predlaže 30 hiljada KM za sanaciju Doma kulture.
- Općinski načelnik Dr. sci. Hašim Mujanović: Ključni problem putna infrastruktura, ali putevi nisu u našoj nadležnosti. Put prema kamenim kuglama je započet.
- Mirela Bašić: Osnivač prve privatne predškolske ustanove. Govori o osnivanju, kako se ne mogu prijaviti niti na jedan javni poziv. Smatra da ta ustanova zaslužuje da dobije subvencije. Dobivanjem subvencije bi se olakšalo zaposlenim majkama. Navodi da zapošljava 9 radnika. Želi u vrtiću svu djecu, da je cijena prihvatljiva za svakoga.
- Almir Mustafić: Ističe da što se tiče Općine Zavidovići da je adresa Služba za upravu društvenih djelatnosti i opću upravu.
- Sabahudin Horozović: Govori o transferu vezano za privredu, da su sredstva ranije bila dovoljna, ali da ove godine nisu. Smatrao da se treba uvesti novi transfer za Start up, ali sada misli da se može realizovat i u okviru ovog transfera. Navodi da ima mladih osoba koje su zainteresovane za start up.
- Mustafa Hasaković: Smatra da više sredstava treba izdvojiti za edukaciju, navodi da je potrebno formirati udruženje privrednika. Govori o poskupljenju komunalne naknade, smatra da je opravdano.
- Erna Merdić Smailhodžić: Navodi da je protiv poskupljena sve dok se naknada ubire na jednom području a troši na sve dijelove. Navodi da bi trebalo osnovati udruženje privrednika i da bi trebalo nekoga zaposliti, lice edukovati i plaćati ga od članarina.

Zaključak: Prihvata se Nacrt Budžeta općine Zavidovići za 2022. godinu.

Zaključak je usvojen jednoglasno.

## 7. Razno

Po ovoj tački dnevnog reda nije bilo diskusije.

Sjednica Privrednog savjeta završena u 13:20 sati.

ZAPISNIK SAČINILA

---

Fatima Merdanović

ZAPISNIK OVJERAVA PREDSDJEDNIK  
PRIVREDNOG SAVJETA

---

Dr. sci. Hašim Mujanović